



TPO Fondacija
Vilsonovo šetalište 10, Sarajevo
Bosna i Hercegovina



Filozofski fakultet u Zenici
Fakultetska 3, Zenica
Bosna i Hercegovina



Universität Regensburg

Filozofski fakultet
Univerziteta u
Regensburgu
Njemačka

Organiziraju:

BOSANSKOHERCEGOVAČKU LJETNU ŠKOLU 2016: DEMITOLOGIZACIJA NACIJA I IDENTITETA - BOSNA I HERCEGOVINA U EUROPSKOM SREDNJEM VIJEKU



TPO Fondacija u suradnji s Filozofskim fakultetom Univerziteta u Zenici i Univerzitetom Regensburg organizira Ljetnu školu (15.-19.07.2016.) koja će se održati na Univerzitetu u Zenici, Bosna i Hercegovina. Cilj programa je poticanje na razmišljanje kako srednjovjekovni mitovi o identitetu i pripadnosti utječu na diskurs suvremene izgradnje nacija i nacionalnog identiteta. Kroz predstavljanje novih arhivskih materijala nastoje se demitologizirati aspekti bosanskohercegovačke historiografije koja predstavlja problem za izgradnju mira i utemeljenje inkluzivnijeg obrazovnog sustava. Na ovaj način, program propituje trenutnu reviziju historiografije u Bosni i Hercegovini i prostoru bivše Jugoslavije. Ljetna škola je usko vezana uz međunarodnu konferenciju „**Trauma, pamćenje, ozdravljenje**“ koja će se održati u Sarajevu od 12. do 14. srpnja 2016. Konferencija se bavi direktno pitanjem dugoročnog naslijeđa nasilja i njegovog utjecaja na utemeljenje mira. U duhu toga, Ljetna škola se bavi povijesnim periodom koji je od vitalne važnosti za našu zemlju i cijelu regiju, pogotovo ako uzmemo u obzir značaj koji je srednjovjekovni period imao u oživljavanju nacionalnih mitova i identiteta. Kao takav nas uvelike izvještava o političkom diskursu tijekom nedavnih ratova nakon raspada Jugoslavije. Nadamo se da će Ljetna škola postati događaj koji će se održavati na godišnjoj razini. Ove godine srednjovjekovnu Bosnu i Hercegovinu promatramo kao dio europske srednjovjekovne povijesne baštine u nastojanju da proširimo lokalni djelokrug kojemu je ovaj period bio podređen.

Po završetku rata u Bosni i Hercegovini (1992.-1995.), koji je poslužio kao podloga za uvođenje krnjeg obrazovnog sustava koji služi za upravljanje nacionalnih ideologija etničkih grupa, bosanskohercegovački srednjovjekovni period je postao izvor različitih interpretacija i pokretačka sila za poticanje nacionalističkih projekata unutar i izvan granica naše zemlje. Iako su do sada objavljeni brojni radovi koji rasvjetljavaju bosanskohercegovački srednji vijek bolje nego ikada prije, udžbenici iz povijesti ne odražavaju ova saznanja. Umjesto toga, bosanskohercegovački srednjovjekovni period u 21. stoljeću se uglavnom korisiti naistinačina kao u 19. stoljeću: kao putokaz za velike projekte nacionalnih država.

U ovoj Ljetnoj školi se oslanjamo na rezultate suvremenih povijesnih i arhivskih otkrića. Uvodimo drugačiji i svestrani pristup koji objedinjuje političke, vjerske, ekonomske i kulturne aspekte koji odražavaju suvremena akademska istraživanja. Predavači su afirmirani bosanskohercegovački profesori i mladi naučnici. Škola pruža priliku za proučavanje postojećih paradigmi i stavljanjem Bosne i Hercegovine unutar konteksta šireg europskog srednjeg vijeka otvara novu diskusiju o ulozi mita u stvaranju identiteta. Dugoročni i širi kontekst zahtijeva napredovanje ka demitologizaciji historiografskih elemenata koji su postali problematični za izgradnju mira.

Takav pristup je neophodan želi li se prostor Bosne i Hercegovine razumjeti izvan duboko uvriježenih stereotipa kojima je obilježen cijeli Balkan. U tom smislu, nužno je da se njena kulturna dispozicija, etnička struktura, geopolitički položaj i povijesno naslijeđe odvoji od ideoloških interpretacija.

Polaznici će saznati mnogo više o bosanskohercegovačkoj kulturi, tradiciji, povijesti, društvu, suvremenosti u širem balkanskom i europskom kontekstu.

Ova Ljetna škola nudi uvid u tekstove i događaje koji nisu dovoljno ili uopće predstavljeni javnosti, a od ključne su važnosti za naše razumijevanje kompleksne bosanskohercegovačke stvarnosti. Prema tome, cilj ove Ljetne škole je da se počine od lokalnog i postavlja u globalno okruženje gdje trenutni i intenzivni procesi društvene destrukcije, pogotovo kroz moćne mitove o naciji, mogu biti jasno konceptualizirani, propitani i ponovno procijenjeni. Program je namijenjen studentima humanističkih i društvenih nauka, diplomcima i postdiplomcima, kao i svima onima koje ovaj prostor više zanima.

Pitamo se kako je Bosna i Hercegovina s nedavnim ratom koji je okončan Daytonskim mirovnim sporazumom postavljajući kompleksan politički sustav u vrlo traumatičan poslijeratni kontekst koji je unazadio bosanskohercegovačko društvo u doba stvaranja etnonacionalnih identiteta. Pokušat ćemo to učiniti ističući obrasce i trendove koji opstruiraju naše suočavanje s prošlošću i na taj način nas sprječavaju da koračamo ka zdravijoj i boljoj budućnosti.

Akademski voditelji:

- Prof. dr. Ulf Brunnbauer, Chair for the History of Southeastern and Eastern Europe, at the University of Regensburg
- Prof. dr. Dubravko Lovrenović, profesor Opće historije na Filozofskom fakultetu u Sarajevu

Predavači:

- Emir Filipović
- Nenad Veličković
- Zilka Spahić Šiljak
- Enes Dedić
- Dženan Dautović
- Alisa Mahmutović
- Mehmed Kardaš
- Srđan Šušnica
- Edisa Gazetić
- Adis Fejzić
- Venita Popović
- Jovana Jokanović

TEME

Srednjovjekovna Bosna kao ideološko bojno polje

Identitarne politike u BiH: zloupotreba srednjovjekovnih simbola

Popularni mitovi i narativi srednjovjekovnog stvaranja nacija

Emancipatorne rekonstrukcije konficiranih pamćenja

Srednjovjekovna Bosna u Europi: postojeći ili nepostojeći pojam

Srednjovjekovna Bosna u dosadašnjim diskursima jugoistočne i istočnocentralne Europe

Ideološke interpretacije nacionalnih historiografija: Bosna u mozaiku južnoslavenskih država ranog srednjeg vijeka (do 12. st.)

Politička historija Bosne: Bosanski treći (europski) put

Bosanska banovina kao jedno od čvorišta mitoloških interpretacija

Kraljevstvo milosti: Crkva bosanska

Bosna i njeni susjedi

Dubrovnik i Bosna – „ekonomija historije“

Sveta kruna bosanska i sveta kruna ugarska

Bosna i Rimski kurija: konstrukcija bogumilskog mita

Bosna u venecijanskoj transnacionalnoj ekonomiji

Bosna i Osmansko carstvo ili početak jedne turkofobije

Bosna i Despotovina: faktografija i ideologija na primjeru ključnih mitologema o „srpskoj srednjovjekovnoj Bosni“

Religijska i kulturna povijest Bosne

Kristijanizacija srednjovjekovne Bosne u ćirilometodskoj misiji: indikatori kristijanizacije

Crkva bosanska: ni rimska ni bizantska

Historiografija o Crkvi bosanskoj: od bogumilske do autokefalne crkve

Franjevci i biskupija: etablirano i neetablirano katoličanstvo

Mikrokršćanstva srednjovjekovne Bosne kao rubna kršćanstva ekumene

Identitet i konverzija u srednjovjekovnoj Bosni i dvostruki vjerski identiteti

Srednjovjekovna bosanska književnost

Tekstologija rukopisa Crkve bosanske (evanđelja Crkve bosanske)

Kodeksi bosanske redakcije u kontekstu vjerskog učenja Crkve bosanske

Jezik i grafija Petrogradskog bosanskog evanđelja

Nacionalizacija srednjovjekovnih bosanskih tekstova

Stećci: od bogumilizacije do interkonfesionalnosti

Kultura smrti u srednjovjekovnoj bosanskoj epigrafici

Historiografija stećaka

Umjetnost klesanja stećaka

Društvena i ekonomska povijest Bosne

Bosanska vlastela ili „feudalna demokracija“ al modo de Bosnia

Bosanski gradovi – urbani život srednjovjekovne Bosne

Trgovina i rudarstvo u srednjovjekovnoj Bosni

Tranzicija srednjovjekovne Bosne u Bosnu Otomansku: bosanski imaginarni Turčin

Rod u srednjovjekovnoj Bosni i Hercegovini

Žene u srednjovjekovnoj Bosni

Konstrukcija ženskosti: od emancipatorke do srednjovjekovnih mučenica

Terenska nastava

1. Obilazak katakombi
2. Obilazak crkve Sv. Marije
3. Izlet u Jajce: Posjeta Muzeju II zasjedanja AVNOJ-a

Ostali izleti će imati cilj da upoznaju sudionike s posljedicama politizacije srednjovjekovnih mitova

1. Prijedor: obilazak logora Trnopolje
2. Prijedor: obilazak masovne grobnice Tomašica
3. Banja Luka:
 - a. Predavanje o Banja Luci i ratnim događajima
 - b. Vrijeme rata - posjeta Ferhadiji, zgradama odakle se upravljalo ratom i kampanjama genocida (zgrada Opštine i Dom JNA), Narodnom pozorištu, Incelu i Šehitlučkom spomeniku NOB-u

Lokacija:

Jajce, BiH

Trajanje škole:

15. - 19. 07. 2016.

Cijena:

150 eura za studente iz EU

50 km za studente iz BiH

Rok za aplikaciju:

1. 04. 2016.

Prijava:

skola.Identiteti@tpofond.org

alisamahmut@gmail.com

edisa_gazetic@gmail.com

BOSANSKOHERCEGOVAČKA LJETNA ŠKOLA 2016.

Ljetna škola:
Demitologizacija nacija i identiteta - Bosna i Hercegovina u
evropskom srednjem vijeku

Jajce, Bosna i Hercegovina

TPO Fondacija, Filozofski fakultet u Zenici i Univerzitet u Regensburgu

Juli, 15.- 19. 2016.

Ime i prezime:

Datum rođenja:

Adresa:

Broj telefona:

Email adresa:

Studijski ciklus:

Univerzitet:

Motivaciono pismo (1 str.):
